

Bosna i Hercegovina
Parlamentarna skupština
Bosne i Hercegovine
Dom naroda

Broj: 02/1-011-826/01
Sarajevo, 5.12.2001.godine.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Primljeno: 11. 01. 2002.				
Org. jed.	Broj	Prilog	V.	inost
02/1	011-826	/01		

Z A P I S N I K

sa trinaeste sjednice Ustavno-pravne komisije Doma naroda Parlamentarne skupštine BiH, održane 05.12.2001.godine

Sjednica je počela sa radom u 10:00 sati.

Sjednicu je sazvao i otvorio g.Ibrahim Spahić, predsjedavajući Ustavno-pravne komisije. Na sjednici je konstatovano prisustvo četiri od šest članova komisije. Prisutni članovi su bili: Ibrahim Spahić, Šefik Džaferović, Dragutin Rodić, te Niko Sušac.

Dnevni red je jednoglasno usvojen u tekstu koji sljedi:

D N E V N I R E D :

1. Usvajanje Zapisnika sa dvanaeste sjednice Ustavno-pravne komisije Doma naroda;
2. Prijedlog Zakona o izmjenama i dopunama zakona o izvršenju Budžeta institucija BiH i međunarodnih obaveza BiH za 2001.godinu- predlagač Predsjedništvo BiH;
3. Prijedlog izmjena i dopuna Budžeta institucija BiH i međunarodnih obaveza BiH za 2001.godinu- predlagač Predsjedništvo BiH;
4. Prijedlog Zakona o namjeni i korištenju imovine koju je BiH dobila po Sporazumu o pitanjima sukcesije u Banci za međunarodna poravnanja u Baselu- predlagač Vijeće ministara BiH;
5. Usvajanje Izvještaja o radu Ustavno-pravne komisije Doma naroda;
6. Razmatranje svih pristiglih predstavlki na ime Ustavno-pravne komisije Doma naroda;
7. Tekuća pitanja.

Ad.1. Usvajanje Zapisnika dvanaeste sjednice Ustavno-pravne komisije Doma naroda Parlamentarne skupštine BiH

Zapisnik je jednoglasno usvojen.

Ad.2. Prijedlog Zakona o izmjenama i dopunama zakona o izvršenju Budžeta institucija BiH i međunarodnih obaveza BiH za 2001.godinu- predlagač Predsjedništvo BiH;

Ad.3. Prijedlog izmjena i dopuna Budžeta institucija BiH i međunarodnih obaveza BiH za 2001.godinu- predlagač Predsjedništvo BiH;

Ad.4. Prijedlog Zakona o namjeni i korištenju imovine koju je BiH dobila po Sporazumu o pitanjima sukcesije u Banci za međunarodna poravnanja u Baselu- predlagač Vijeće ministara BiH;

Komisija je jednoglasno dala mišljenje da su zakoni pod tačkama 2.,3. i 4. dnevnog reda, kao i rebalans Budžeta, u skladu sa Ustavom BiH.

Ad.5. Usvajanje Izvještaja o radu Ustavno-pravne komisije Doma naroda

Komisija je jednoglasno usvojila Izvještaj o svom radu s tim da se izvještaj dostavi Domu naroda na razmatranje. U izvještaj treba unijeti i pregled prisustva članova komisije sjednicama.

Ad.6. Razmatranje svih pristiglih predstavki na ime Ustavno-pravne komisije Doma naroda:

1. Predstavka Nede Popovića.

Prijedlog zaključka: Postupajući u skladu sa članom 24.1.lj) Poslovnika Doma naroda Parlamentarne skupštine BiH Ustavno-pravna komisija se ne bi mogla miješati u ovaj spor koji se vodi između Nede Popovića sa jedne i Kantonalnog zavoda za izgradnju grada sa druge strane na Općinskom Sudu II u Sarajevu u vezi eksproprijacije i visine cijene eksproprijisane imovine.

Komisija bi se trebala proglasiti kao nenadležna u ovakvim slučajevima i obavjestiti podnosioca predstavke da se komisija ne može miješati u sporove koji se vode na sudu. Jednoglasno usvojen zaključak.

2. Predstavka Udruženja građana Zvornika.

Ustavno-pravna komisija Doma naroda je jednoglasno donijela zaključak da komisija nije nadležna niti se može miješati u Odluke Doma za ljudska prava.

3. Predstavka Branka Bunjevca

S obzirom na to da je iz dokumentacije vidljivo da se radi o kršenju ljudskih prava od strane nadležnog organa Općine Zavidovići, potrebno je da Ustavno-pravna komisija Doma naroda uputi urgenciju Načelniku Općine Zavidovići da u što skorijem roku izvrši sve potrebne radnje da se nosioc stanarskog prava uvede u posjed stana tj. da se postupi u skladu sa drugostepenim rješenjem o izvršenju prvostepenog rješenja.

4. Predstavka Emine Babić.

Komisija je jednoglasno odlučila da se ne može miješati u upravni postupak i konačna i obavezujuća rješenja koja se tiču Aneksa 7-povratka svih na svoje.

5. Predstavka Željka Petrovića.

Komisija je jednoglasno odlučila da se ne može miješati u upravni postupak i konačna i obavezujuća rješenja koja se tiču Aneksa 7-povratka svih na svoje.

4. Predstavka Enise i Sejda Mirvić

Komisija je zaključila da se predstavka uputi nadležnim ministarstvima Vijeća ministara.

5. Predstavka Jasmine Čerimagić

S obzirom na to da je iz dokumentacije vidljivo da se radi o kršenju ljudskih prava od strane nadležnog organa Distrikta Brčko, potrebno je da Ustavno-pravna komisija Doma naroda uputi urgenciju Načelniku Distrikta Brčko da u što skorijem roku izvrši sve potrebne radnje da se nosioc stanarskog prava uvede u posjed stana tj. da se postupi u skladu sa drugostepenim rješenjem o izvršenju prvostepenog rješenja.

6. Predstavka Radmile Živković

Ustavno-pravna komisija Doma naroda donijela je zaključak da se od ovlaštenog organa zatraži kompletna informacija o predstavi Radmile Živković.

7. Predstavka povodom sprovođenja postupka na tenderu "Zahvatanje vode iz rijeke Bosne - II faza izvođenja.

Komisija će se moći izjasniti o ovoj predstavi nakon dobijanja svih relevantnih informacija od nadležne Komisije za sprovođenje postupka na tenderu za izbor najpovoljnijeg ponuđača.

Ad.7. Tekuća pitanja.

Komisija je zaključila da bi se u programu rada za 2002.godinu trebale predvidjeti izmjene Poslovnika Doma naroda Parlamentarne skupštine BiH.

*Predsjedavajući
Ustavno-pravne komisije*

Ibrahim Spahić s.r.